

ISSN 1829 - 1864



2010 ապրիլ-հունիս թիվ 2 (30)

համահայկական հանդես

VEM Pan-Armenian Journal



**Dikran Mesrob Kaligian, Armenian Organization and
Ideaology under Ottoman Rule, 1908-1914,
Հայ Յեղափոխական Դաշնակցութիւն, (New Brunswick,
USA and London, UK: Transaction Publishers), 2009, 260 p.***

Գրասեղանիս վրայ դարսում եմ ընթերցմանս սպասող գրքերի դեզից դուրս քաշեցի Տիգրան Մ. Խալիկեանի «Armenian Organization and Ideaology under Ottoman Rule, 1908-1914» (Հայ կազմակերպութիւն եւ գաղափարախօսութիւն օսմանեան տիրապետութեան ներքոյ, 1908-1914) անգլերէն աշխատութիւնը՝ հենց սկզբից նպատակ ունենալով թէ՛ կարդալ եւ թէ՛ նիւթ պատրաստել՝ հայերէնախօս ընթերցողին: Գրքին նախասիրութիւն տալուս պատճառը նիւթի կարեւորութիւնն էր եւ այդ նիւթի շուրջ ցայժմ բացակայ հիմնարար գիտական ուսումնասիրութիւնը:

Դոկտ. Տիգրան Խալիկեանը, երիտասարդ պատմաբան, վկայում է Բոստոն քոլեջից: Նա դասախօսել է Քլարք համալսարանում, Ռիչըս քոլեջում եւ մի քանի այլ կրթական հաստատութիւններում: Նախագահում է Արեւելեան Ամերիկայի Հայ Դատի Յանձնախմբին եւ անդամ է համա-ամերիկեան Հայ Դատի Յանձնախմբի վարչութեան, Ուաշինկըրն: Եղել է Armenian Review-ի վարչական խմբագիր եւ շարունակում է գործուն մասնակցութիւն բերել Հայոց Յեղապանութեան ուրացման դէմ տարուող աշխատանքին:

Սովորութեանս համաձայն նախ մատենագրութիւնն ու օգտագործումն աղբիւրները աչքի անցկացրի: Նիւթերի հարուստ ցանկ՝ ՀՅԴ-ի, Անգլիայի, Գերմանիայի եւ ԱՄՆ-ի արխիւներից, հրատարակուած փաստաթղթեր, երկրորդական աղբիւրներ, բազմաթիւ գրքեր եւ պարբերականներ: Տպաւորիչ է: Գիտական լուրջ ուսումնասիրութեան հետ է գործս: Իսկ գրքի շապկի ներսի մասում եկող ծանօթութիւնը ներկայացնում է էական հարցը, որ այն օրերին Դաշնակցութեան դէմ ծառայած անյաղաքահարելի հարցն էր՝ շարունակել՝ համագործակցութիւնը, երբ Երիւթուրքերը (Իթթիհաս վե քերագըր Կոմիտէ - այսուհետ՝ Իթթիհաս) անտարբերութեամբ մերժում էին կատարել հայերին, կամ այս պարագայում՝ Դաշնակցութեանը տուած խոստումները. կամ՝ խզել յարաբերութիւնները եւ կորցնել սահմանադրական կառոյցի հնարաւոր յաջողութեանը սատարելու ամէն առիթ: Գիտենք որ յարաբերութիւնները վերջիվերջոյ խզուեցին, բայց ո՞ր կարուեց թելը, ինչո՞ր կարուեց եւ ի՞նչ եղաւ արդիւնքը: Հեղինակը խոստանում է իր պատասխանները ներկայացնել գիտահետազօտական լուրջ փաստարկութեամբ:

Աշխատութիւնը սկսվում է ծանօթութիւն/նախաբանով, ուր Խալիկեանը հա-

* Ընդունվել է տպագրության 20.06.2010:

Բ (Ը) ցարի, թիվ 2(30) ամսիկ-հունիս 2010
ՎԷԻ համահայկական հանդես

մառօտ գծերով ներկայացնում է հայ ժողովրդի պատմութիւնը օսմանեան տիրապետութեան ներքոյ՝ միլիէթ սիստեմից մինչեւ ՀՅԴ եւ Հնչակեան կուսակցութիւնների համագործակցութիւնը թուրք եւ քուրդ այլախոհ մտաւորականների եւ խմբակցութիւնների հետ, ներառեալ Իթքիհատը: Նպատակը՝ Օսմանեան կայսրութեան մէջ սահմանադրական օրէնքների վերահաստատում, քաղաքացիների, մանւ վոքրամանութիւնների, հաւասարութիւն եւ արդարութիւն, քաղաքական, ընկերային եւ տնտեսական բարենորոգումների իրականացում: Ապա հեղինակը հպանցիկ հայեացք է նետում 1908-ի յեղափոխութեան եւ յետադիմականների հակայեղափոխական գործունէութեան վրայ: Այս վերջինի արդիւնքում էր որ տեղի ունեցաւ 1909-ի Ադանայի ջարդը, որի ընթացքում յստակ էր Իթքիհատի անտարբերութիւնն ու չկամութիւնը միջամտելու եւ ջարդը կասեցնելու: Ուշացումով ուղարկուած բանակն էլ, հայերին պաշտպանելու փոխաբէն, վերսկսուած ջարդի մասնակիցը դարձաւ: Այդ իրադարձութիւններից յետոյ էր, որ Դաշնակցութիւնը երկընտրանքի առջեւ կանգնեց՝ շարունակե՞լ, թե՞ կտրել կապը:

Յաջորդ գլուխներում Խալիկեանը պիտի եզրակացնէր, որ սահմանադրական վարչակարգի առաջին ինն ամիսները աւարտուեցին դեռ անելի վայրագ արիւնահեղութեամբ: Եւ իրօք, օսմանեան քաղաքացիների հաւասարութիւնը չարգիլեց հայասպանութիւնը: Դէպքերի գարգացման լոյսի տակ, Դաշնակցութիւնը պիտի վերաբժեւորէր Իթքիհատի հետ իր համագործակցութիւնը¹: Դրանով հանդերձ՝ Վահան Փափազեանից մէջբերելով Խալիկեանը գրում է, որ Իթքիհատի մի շարք պաշտօնատարներ փորձում էին համոզել Դաշնակցութեանը, թէ նոր վարչակարգը դեռ իր արմատները չի ամրապնդել եւ մեծ է յետադիմական տարրերի ազդեցութիւնը երկրում: Նրանք վստահեցնում էին, թէ Իթքիհատը վճռել է անելի հատու միջոցներով պայքարել եւ յոյս ունի որ կունենայ Դաշնակցութեան համագործակցութիւնը²:

Ուրեմն՝ Դաշնակցութիւնը յարմար նկատեց շարունակել կապը եւ որոշումը հրապարակուեց Բիւրոյի յայտարարութեամբ: Հրապարակուեց մանւ Իթքիհատի հետ միացեալ յայտարարութիւն, ուր շեշտում էր, թէ համագործակցութիւնը պիտի շարունակուի արգիլելու համար սպազայ հակայեղափոխական դրսեւորումները: Ի պատասխան մի շարք թուրք ղեկավարների, միացեալ յայտարարութիւնը ընդգծում էր այն պարագան, թէ Դաշնակցութիւնը Հայաստանի անկախութեան չի ձգտում, սակայն երկու կողմերն էլ կարեւորում են հայկական մահաճգներում բարենորոգումների անհրաժեշտութիւնը: Խալիկեանը յիշեցնում է, որ Դաշնակցութիւնը համաձայն էր կայսրութեան տարածքային ամբողջութեանը, որի մէջ մանւ Արեւմտեան Հայաստանը ի հարկէ՝ ապակենտրոն կառավարման ձեւով: Խալիկեանը յիշատակում է մանւ թուրք պատմագրութեան տեսակէտը, այն է՝ թէ Ադանայի ջարդերը թուրք ժողովրդի բնական հակազդեցութիւնն էին քաղաքում կազմակերպուած հայերի ապստամբութեանը եւ թէ Դաշնակցութիւնն ու Հնչակեան կուսակցութիւնը յեղափոխութիւնից յետոյ մի կարճ ժամանակ էլ առերեսոյ շարունակեցին զօրակցել Իթքիհատին, բայց յետոյ վերսկսեցին իրենց խափանարար գործունէութիւնը՝ նպատակ ունենալով զինել

1 St' u Dikran Mesrob Kaligian, *Armenian Organization and Ideology under Ottoman Rule, 1908-1914*, Գայ Յեղափոխական Դաշնակցութիւն, (New Brunswick, USA and London, UK: Transaction Publishers), 2009, p. 37.

2 St' u նույն տեղում, էջ 45:

եւ ապստամբութեան պատրաստել ժողովրդին: Նոյն պատմաբանների կարծիքով, Բալքանեան պատերազմը սկսելուն պէս, Դաշնակցութիւնը խզեց կապը Իթքիհատի հետ եւ սկսեց դիմումներ կատարել եւրոպական պետութիւններին, յատկապէս Ռուսաստանին՝ միջամտելու օսմանեան կառավարութեան մօտ եւ բարենորոգումներ պարտադրելու նրան: Նրանց կարծիքով Դաշնակցութեան նպատակը ընդհանուր ապստամբութիւն կազմակերպելն էր եւ դրա առիթը ներկայացաւ, երբ Թուրքիան Ա. Համաշխարհային Պատերազմի մէջ մտաւ:

Հայ եւ օտար պատմաբանները տարբեր եզրակացութիւնների են յանգում ՀՅԴ- Իթքիհատ յարաբերութիւնների խզման թուականի եւ պատճառների շուրջ: Խալիկեանը կարեւորում է հետեւեալ պատճառները. Իթքիհատի ներքին հակամարտութիւններ եւ ծայրայեղ ազգայնականների վերջնական յաղթանակ. Դաշնակցութեան հակառակութիւնը Իթքիհատին՝ Բալքանեան պատերազմը սկսելու համար (նրանով հանդերձ, որ Դաշնակցութիւնը կոչ էր արել հայ ժողովրդին բանակում ծառայելու եւ մասնակցելու պատերազմին) եւ վերջապէս, Իթքիհատի ծայրայեղ ազգայնական թելի պետական հարուածը 1913-ին: Կարեւոր ազդակ էր նաեւ Իթքիհատի չկամութիւնը լուծելու հայերից խլուած հողերի հարցը: Թէ ճշգրիտ ո՞րն էր վերջին հաշուով որոշիչ ազդակը, Խալիկեանը ձեռնարկում է պեղել բոլոր հաւանական աղբիւրները՝ հայ-քրդական յարաբերութիւնները գծագրող փաստաթղթերից մինչեւ եւրոպական պետութիւնների տարրերուող քաղաքականութեան ընթացքը, ինչպէս նաեւ Իթքիհատի ներքին անհամաձայնութիւնների դրոյապատճառներն ու հետեւանքները: Հեղինակը միաժամանակ հաստատում է, որ Իթքիհատի արխիւների անհետացումն ու փճացումը պիտի սահմանափակի հետազոտութիւնը:

Այսպիսով՝ Տիգրան Խալիկեանը սկսում է իր երկար ճանապարհը՝ քակելու, բացելու պատմութեան հանգոյցներն ու լուսաւորելու մութ էջերը:

Թում է թէ Իթքիհատը դատապարտուած էր հենց սկզբից: Նրա սխալ ճանապարհը սկսեց գծագրուել 1908-ի յեղափոխութիւնից անմիջապէս յետոյ: Ըստ Խալիկեանի պատճառն այն էր, որ Իթքիհատը իրական, համա-օսմանեան ուժ չէր ներկայացնում եւ շուտով էլ հակադիր ճակատների մասնատուեց. վարչական փորձի խիստ պակաս ուներ. ժողովրդին հարազատ ղեկավար դէմք չուներ իր շարքերում. յստակ էր, որ անկարող է յաղթահարել ժողովրդին տուած իր խոստումների եւ իր իսկ դրած նպատակների իրագործման դէմ ծառացած խոչընդոտները. առաջին իսկ ընտրութիւններին չկարողացաւ արգիլել սահմանադրութեան պաշտպանութեան տեսակէտից անբաղձալի տարրերի մուտքը պառլամենտ. եւ վերջապէս՝ Իթքիհատը իր մօտեցումների ու գործելակերպի մէջ անկեղծ չէր: Վերլուծելով այս կէտերը մէկ առ մէկ, Խալիկեանը գծում է պատմութեան այդ ճակատագրական եւ փոթորկին նախորդող ժամանակաշրջանում տիրող իրավիճակը: Տեսնում ենք թէ սահմանադրութեան վերահաստատումով շատ բան չէր փոխուել եւ տեղական ղեկավարութիւնը հազիւ էր կայրողանում ու երբեմն չէր էլ փորձում իր հակահայ դիրքորոշումը Երիտթուրք յեղափոխութեան դիմակի տակ ծածկել: Խալիկեանի վկայութեամբ, Դաշնակցութիւնը այս ժամանակաշրջանում ինքնակազմակերպման եւ ինքնահզօրացման գործին էր լծուած եւ ամենայն զգայնութեամբ փորձ էր անում յարաբերութիւն պահել ներքին պառակտումներից տկարացած Հնչակեան կուսակցութեան հետ:

Գրքի երկրորդ գլուխը ընդգրկում է Ադանայի ջարդերին հետեւող ժամա-

ԳՐԱՆՈՒՍՈՒԹՅՈՒՆ ՆԵՐ
Բ (Ը) Կարտի, թիվ 2(30) ամսիկ-հունիս 2010
Վեմ համահայկական հանդես

նակաշրջանը մինչև 1910-ի վերջառորութիւնը, երբ Դաշնակցութիւնը Իթքիհատի հետ գործակցութիւնը շարունակելու կամ կասեցնելու որոշում պիտի առնէր: Ընդգրկուած է նաեւ հայերից խլուած հողերի խնդիրը, որ հեղինակը ներկայացնում է որպէս հայ ժողովրդի համար ամենացաւոտ հարցը եւ ՀՅԴ-Իթքիհատ յարաբերութիւնների տեսակէտից անկիւնադարձայինը: Խալիկեանը բացատրում է, թէ հայ գիւղացուց հողեր խլելը արդէն քաղաքներին էր հասել ու սուլթանների օրերից մնացած, շարունակուած էր կայսրութեան յետ-յեղափոխական շրջանում եւս: Եւրոպական պետութիւնների միջամտութեան կասեցման դրդապատճառների մէջ էլ ամենայաճախակին հայ գիւղացուն իր պապեանական հողից զրկելն ու նրան որպէս ստրուկ ու մշակ հետզհետէ հարստացող ու մեծ հողատէր դարձող թուրքի ու քուրդի դուռը գցելն էր: ՀՅԴ-Իթքիհատ բանակցութիւնների արդիւնքում, որպէս հարցի լուծում որոշուեց յատուկ յանձնախումբ առաքել խնդրոյ առարկայ վայրերը: Յանձնախմբի մէջ ներառուեցին նաեւ հայեր, որոնք քաջատեղեակ էին խնդրին. սակայն յանձնախմբի առաքումը այդպէս էլ չիրականացաւ: Իթքիհատը ո՛չ ուժն ունէր եւ ոչ էլ ցանկութիւնը հարուստ հողատէրերի դէմ ելլելու. միայն խօսքերով համոզում էր Դաշնակցութեան, թէ խնդրի ընդհանուր լուծումը ընթացքի մէջ է: Պարզ չէ՞ր, արդեօք, որ Իթքիհատը անկեղծ չէր, կամ բացարձակ խաբում էր: 1910-ի վերջառորութեան, կառավարութեան յղած Դաշնակցութեան վերջնագիրը ցոյց է տալիս թէ հարցը իր լուծումը չի գտել³:

Մնացեալ հարցերի մէջ Խալիկեանի փաստարկութեամբ ակնյայտ տեղաշարժ էր սկսել: Կառավարութեան հետ Դաշնակցութեան համագործակցութեան արդիւնքում, որոշ չափով նուազել էր հայ գիւղերի վրայ յարձակումներն ու հայ գիւղացու կեղերումը: Հետզհետէ փոփոխութեան էին ենթարկուած վարչակարգին պատկանող տեղական կառավարական պաշտօնէութիւնը եւ փոխարինում անելի բարիացական տարրերով: Մինչեւ անգամ պատժի էին ենթարկուած հայերի դէմ ոճիր գործողները: Դաշնակցութիւնը իշխանութեան հետ համագործակցում էր խլուած առաջացնել ու իշխանութեան դէմ հանել: Քրդերին հայերի դէմ յարձակումների մղելով Ռուսաստանը առիթ պիտի ունենար հայերին պաշտպանելու պատրուակով կառավարութեան գործերին միջամուխ լինել:

Նման դրական տեղաշարժերի կողքին, զարգանում էին նաեւ բացասական երեւոյթներ: Փոխանակ «Համիդիէ» կոչուած, հայերին միշտ վտանգ բերող, քրդական անկանոն զօրախմբերը ցրելու, որը Դաշնակցութեան պահանջներից մէկն էր, իշխանութիւնը վերակազմակերպել էր նրանց, անուանափոխել եւ օգտագործում էր իբր ցեղային զօրամասեր: Դաշնակցութեան բողոքի ու երկար բանակցութիւնների արդիւնքում, Իթքիհատը ի հարկէ չհամաձայնուեց ցրել այդ զօրամասերը, բայց խոստացաւ պայքարել հակասահմանադրական եւ յետադիմական ուժերի դէմ: Բացասական երեւոյթ էր նաեւ քրդերի մէջ ծայր առած դժգոհութիւնները ընդդէմ իշխանութեան, թէ ինչո՞ւ է նա «պաշտպանում» հայերին եւ իսլամ ու քրիստոնէայ քաղաքացիներին հաւասար դատում:

Երկիրը անհանգիստ վիճակ ունէր: Սահմանադրութեան վերահաստատումը հայերի համար մեծ բարեփոխումներ չէր խոստանում: ՀՅԴ 1911-ի ընդհանուր ժողովը քննարկելով Երիտթուրքերի հետ կապը կտրելու եւ ընդդիմութեան

3 Տե՛ս նույն տեղում, էջ 64:

միանալու հարցը, որոշում է եւս մէկ սուիթ տալ՝ այնուամենայնիւ, լիազօրելով Արեւմտեան Բիւրոյին, խզելու յարաբերութիւնները եթէ խոստումների դրժումը շարունակուի: Գրքի երրորդ գլուխը այս դէպքերի ընթացքին է հետեւում:

Դժուարին ժամանակներ էին երկրի իշխանութեան եւ Իթքիհատի ղեկավարութեան համար. հսկայ կայսրութիւնը վարելու նրանց անկարողութիւնը դժգոհութեան ալիք էր առաջացրել ամէն կողմ: Մամաւանդ՝ գլուխ էին բարձրացրել պահպանողականները եւ սպառնում էին տապալել սահմանադրական վարչակարգը: Ի տես այդ իրադարձութիւնների, ՀՅԴ Արեւմտեան Բիւրոն իր գօրակցութիւնն էր յայտնում Երիտթուրքերի սահմանադրութեան պաշտպան քեիին: Այս փոթորկոտ շրջանում էր, որ Դաշնակցութեան ներկայացուցիչները Մալոնիքում եւ ապա Պոլսում հանդիպում են Թալէաթի եւ Նազըմի հետ եւ դարձեալ բարենորոգումների պահանջ ներկայացնում մանրամասն կէտերով: Իթքիհատը ընդունելով, որ հնարաւորութիւնը չունի խնդիրը հետապնդելու, առաջարկում է պահանջները ներկայացնել պառլամենտին:

Ժամանակաշրջանը նաեւ յղի էր միջազգային կարեւոր իրադարձութիւններով: Մեծ պետութիւնները, Ռուսաստան, Անգլիա, Ֆրանսիա, Գերմանիա, Աւստրո-Հունգարիա եւ Իտալիա, դաշնակիցներ գտնելու եւ հսկադիր ճակատներ կազմելու միտումներ էին ցոյց տալիս: Միեւնոյն ժամանակ, նրանց մէջ մրցակցութիւն էր գնում մէկը միւսից աւելի շնորհներ ձեռք բերելու Օսմանեան կայսրութեան մէջ: Առիթներից մէկն էլ Իթքիհատի որոշումն էր՝ կայսրութեան ծովային զօրացնել ու այժմէականացնել եւ երոպական պետութիւններից պարտքեր վերցնելով երկրի տնտեսութիւնը բարելաւել: Աստիճանաբար յայտնի էր դառնում, որ Երիտթուրքերը դէպի Գերմանիա են թքելու եւ նրա օգնութիւնն են նախընտրում:

1912-ի սկզբից արդէն ՀՅԴ-Իթքիհատ յարաբերութիւնները անբարեյայտ վիճակի մէջ էին: Երբ հայերի իրավիճակի բարելաւման հարցերը գոհացուցիչ առաջադիմութիւն չէին արձանագրում, համագործակցութիւնը անիմաստ էր: Բայցեւայնպէս, այս խնդրում Դաշնակցութեան ղեկավարութիւնը միակամ չէր, որի պատճառով էլ որոշումը մինչեւ աշուն հետաձգուեց: Աշնանը իշխանութեան գլուխ անցաւ Իթիլաֆը, որ Երիտթուրքերի դէմ կազմուած, հակոտնեայ գաղափարներով ու տարբեր շահախնդրութիւններով ամէն տեսակ տարրերից բաղկացած մի կուսակցութիւն էր:

«ՀՅԴ- Իթքիհատ յարաբերութիւնների վախճանը» վերնագիրը կրող գլխում, Խալիկեանը տալիս է տիրող իրավիճակի մանրամասնութիւնները՝ պառլամենտի լուծարում եւ նոր ընտրութիւններ եւ այդ ընթացքում Իթքիհատի վարած ստոր քաղաքականութիւնը հայ թեկնածուների դէմ, Իթքիհատ - Իթիլաֆ հակամարտութիւն եւ վերջապէս, Դաշնակցութեան քաղաքականութիւնն ու վարած բանակցութիւնները այդ ժամանակաշրջանում: Խալիկեանը դիտել է տալիս, թէ Երիտթուրքերի հետ յարաբերութիւնների խզման վերջնական որոշումը արդիւնքն էր ժողովրդի մէջ տիրող յուսախաբութեան եւ դժգոհութիւնների: Դաշնակցութիւնը զգում էր, որ կորցնում է ժողովրդի հաւատքն ու վստահութիւնը, քանի որ չի կարողանում ի կատար ածել իր տուած խոստումները, խոստումներ, որ տուել էր Իթքիհատին՝ վստահելով ու նաեւ այն համոզումով, որ ինքը պառլամենտական ընտրութիւններում յաղթական դուրս կը գայ եւ իր կարեւոր ներկայութեամբ այնտեղ, ի վիճակի կլինի խնդիրներ լուծել: Դիպուկ է Խալիկեանի կարծիքը, թէ

ԳՐԱՆՈՍՏՈՒԹՅՈՒՆ ՆԵՐ
ապրիլ-հունիս 2010
Բ (Ը) ԳԱՐԻ, ՔԻՎ 2(30)
ԲԵՆ ԽԱՆՆԱԿՅԱԿՅԱՆ ԽԱՆՈՒՆ

Դաշնակցութիւնը, որ տարիների փորձ ունէր այլ քաղաքական կուսակցութիւնների հետ Թուրքիայում, Իրանում եւ Ռուսաստանում, պիտի կարողանար այս ծայրայեղ լատենտութեան չզնալ⁴: Բայց Խալիկեանը մատնանշում է նաեւ այն պարագան, որ գործող ուժերի մէջ - մեծ մասամբ պահպանողական, հին վարչակարգի պաշտպաններ եւ շեշտուած հակահայեր - Իթթիհատը չարեաց փոքրագոյնն էր⁵: 1912-ի Օգոստոսին նրա հետ համագործակցելու դուռն էլ փակուեց եւ Դաշնակցութիւնը յայտարարեց ՀՅԴ-Իթթիհատ համագործակցութեան խզումը: Որոշում էր կայացուել երկրում գործող ուժերի եւ քաղաքական խմբակցութիւնների հանդէպ չէզոք դիրք որդեգրել:

1912-ի Սեպտեմբերից արդէն զգալի էր անհանգստութիւնը Բալքանեան նահանգներում: Հոկտեմբեր 8-ին սկսեց պատերազմը՝ նոր մարտահրաւիրներ դնելով Դաշնակցութեան առջեւ: Նա պիտի կարողանար ներդաշնակել հակամարտութիւնների տարբեր կողմերում գործող կուսակցական մարմինների գործունէութիւնը: Միեւնոյն ժամանակ աշխատանք էր տարում կառավարութեանը բարենորոգումներ պարտադրելու, իսկ թէ ի՞նչ միջոցով, միատեսակ չէր մտածում Դաշնակցութեան ղեկավարութիւնը. բալքանեան օրինակով ուժ գործադրել⁶ էր յեղափոխական արքերի դիմե՞լ, թէ՞ սպասել, քանի որ ստեղծուած պայմաններում ուժի գործադրումը կարող էր վտանգել ամբողջ հայութեանը:

Բալքանեան պատերազմի ասարտը Դեկտեմբերին եւ դրան հետեւող խաղաղութեան բանակցութիւնները բարենորոգումների հարցը բարձրացնելու նոր առիթ էին: Դաշնակցութիւնը այլեւ Իթթիհատի վրայ յոյս չուներ եւ սպաւիճել էր դրսի ճնշումներին. մինչդէռ եւրոպական պետութիւնների իւրաքանչիւր միջամտութիւն ընդվզումի մի նոր ալիք էր բարձրացնում հանդէպ մի ժողովրդի, որ միայն սահմանադրութեան խոստացած հաւասար իրաւունքներին էր ձգտում⁶: Այս ընթացքում էր որ Երիտթուրքերի ազգայնական թելը պետական հարուածով իշխանութեան տիրացաւ, իսկ բարենորոգումների բանակցութիւնները դեռ շարունակուեցին:

Որքան որ Անգլիան անտարբեր էր հայկական բարենորոգութիւնների նկատմամբ, նոյնքան հետաքրքրութիւն եւ շահագրգռութիւն էր ցոյց տալիս Ռուսաստանը. այնքան որ տպաւորութիւն էր ստեղծում, թէ Ռուսաստանը ցանկութիւն ունի Օսմանեան կայսրութիւնից խլելու հայկական վիլայէթները: Դա ի հարկէ հայ ժողովրդի համար շահաւէտ լուծում չէր եւ Դաշնակցութեան վերջին նպատակն էլ հայկական վիլայէթների համար ինքնավարութիւն ստանալն էր եւ ո՛չ թէ դրանք Ռուսաստանի տիրապետութեան յանձնելը: Խալիկեանը տալիս է բարենորոգումների գործադրման համար եւրոպացի հսկիչների ընտրութեան եւ գործուղման շուրջ եւրոպական պետութիւնների ներքին մրցակցութիւնը եւ օսմանեան կառավարութեան հետ նրանց վարած քաղաքականութիւնը: Դրութիւնը, սակայն, զնալով վատթարանում էր: Թուրք մամուլը թունաւոր յօդուածներ էր հրապարակում հայերի դէմ եւ ամբաստանում նրանց սպստամբութեան դիմելու եւ մուսուլմանների դէմ զենք վերցնելու մէջ: Յաճախակի էին դարձել հայերի սպանութիւնները եւ հայկական գիւղերի կողոպուտը: Մահուան սպառնալիքներ էին տեղում յատկապէս ՀՅԴ ղեկավարների, Չաւէն Պատրիարքի եւ Պօղոս

4 Տե՛ս նույն տեղում, էջ 131:

5 Տե՛ս նույն տեղում, էջ 137:

6 Տե՛ս նույն տեղում, էջ 154:

Նուպար Փաշայի հասցեին: Վերջինս 1912-ից գլխավորում էր հայկական պատուիրակությունը, որ Փարիզում պիտի հայկական հարցի շուրջ եւրոպական պետութիւնների մօտ քարոզչութիւն կատարէր: Կոտորածներ էին նախատեսւում եւ կառավարութիւնը մերժում էր հայերի ապահովութեան համար լուրջ քայլեր առնել:

Յարաբերութիւնները ատլի սրունցին, երբ լուր տարածուեց, թէ 1913-ի Սեպտեմբերին կայացած հնչակեանների 7-րդ պատգամատրական ժողովում որոշում է կայացուել մահափորձի ենթարկել Թալէաթին եւ միւս Երիտթուրք ղեկավարներին: Որոշումը ի հարկէ չգործադրուեց, բայց թրքական փաստաբկութեան մէջ դա օգտագործուեց իբրեւ հայերի դաւաճանութեան ապացոյց:

Քաշքշուքի եւ յետաձգումների էին ենթարկուել եւրոպացի հսկիչների ընտրութիւնը եւ նրանց աշխատանքի դաշտն ու իրատւոյնները ճշտելու հարցերը: Իթքիհատը վտանգատուր միջամտութիւն էր նկատում այս բոլորը: Կայսրութիւնը արդէն հսկայ հողատարածքներ էր կորցրել, իսկ հայկական հարցի լուծումը նոր կորուստների վտանգ էր սպառնում: Խալիկեանը ներկայացնում է թուրք ղեկավարների մտայնութիւնը եւ եւրոպական պետութիւնների մէջ դաշնակից գտնելու եւ նրա միջոցով երկրի տարածքային ամբողջութիւնը ապահովելու ձգտումը: Մինչ այդ, եւրոպական պետութիւնները շարունակում էին հայկական բարենորոգումները որպէս խաղաքարտ գործածել կայսրութեան մէջ իրենց շահերը ապահովելու համար: Այդպիսով, տարուող բանակցութիւն-առեւտրի արդիւնքում, բարենորոգումների վաստաթղթի վերջին տարբերակը բոլորովին նման չէր սկզբում ներկայացուածին: Վերջապէս, ինչպէս գիտենք, 1914-ի Մայիս 3-ին հսկիչներ Ուեստենենքը եւ Հօֆֆը Պոլիս հասան իրենց նախնական աշխատանքները կատարելու եւ վարչական կազմերը լրացնելու համար: Թէ՛ Դաշնակցութիւնը եւ թէ՛ Պատրիարքարանը աշխատանք էին տանում հայ լաւագոյն թեկնածուներին կազմերի մէջ մտցնելու, բայց այդտեղ էլ խօսք ունէր թուրք կառավարութիւնը իրեն յարմար մարդիկ նշանակելու: Աշխատանքը ամիսներ տեւեց, եւ երբ հսկիչները պատրաստում էին իրենց աշխատավայրերը մեկնել, երկրում ընդհանուր գօրակոչի լուրեր տարածուեցին: Վահագն Տատրեանից մէջբերելով, Խալիկեանը նշում է թէ բարենորոգումները չկատարուեցին, Համաշխարհային Պատերազմի պայթումը խանգարեց, բայց թուրք ղեկավարութեան մէջ մնաց մի դառնութիւն եւ միս դէպի հայ ղեկավարները, որոնք երկրի ծանր պայմանները անտեսելով պնդեցին իրենց պահանջների վրայ եւ եւրոպացիների միջամտութեանը դիմեցին: Այդ մասին հետագայում արտայայտուեց նաեւ ինքը Թալէաթը⁷:

Պատերազմին նախորդող ամիսները Իթքիհատի համար ուժերի կենտրոնացման եւ ազդեցութիւնների գօտիների հաստատման ծառայեցին թէ՛ նորընտիր խորհրդարանում եւ թէ՛ կառավարութեան մէջ: Ընտրութիւնների ընթացքը արդէն ցոյց էր տուել, որ Իթքիհատը խուսափում է ընթացք տալ հայ հոգեւորական եւ կուսակցական ղեկավարութեանը եւ իթէ ըստ սահմանադրութեան պէտք էր որ հայերը ներկայացուցչութիւն ունենային, Իթքիհատը փորձում էր դա ապահովել իր համար ընդունելի կամ ինչպէս հայերն էին որակում՝ թրքամէտ կամ դաւաճան հայերով: Իթքիհատը Դաշնակցութեանն արդէն նայում էր իբրեւ հակառակորդ եւ ամբաստանում նրան ընտրութիւնները բոյկոտելու եւ բարենորոգումների բանակցութիւնների մէջ կարծր դիրքորոշում ցուցաբերելու համար: Կառավարութիւնը

7 Տե՛ս նույն տեղում, էջ 209:

զիտեր նաեւ, որ Դաշնակցութիւնը սկսել է գաղտնի զինել հայերին եւ նրանց ինքնապաշտպանութեան վարժեցնել⁸:

Յարաբերութիւնները խզում էին, բայց Իթքիհատը շրջապատեց իր ներկայացուցիչները ուղարկելու Էրզրում (Կարին), ուր ՀՅԴ ընդհանուր ժողովն էր տեղի ունենում: Պատերազմի վտանգի պատճառով, ժողովը ցրուել էր ժամանակից շուտ, բայց համել էր իր բանաձեւը՝ շարունակելու աշխատել իբրեւ Իթքիհատի հակաժողովրդավարական եւ ծայրայեղական իշխանութեան դէմ անզիջում հակառակորդ եւ անկաշառ քննադատ: Եւ դա որպէս հետեւանք հայերի եւ ընդհանրապէս՝ ոչ-մուսուլման ժողովուրդների հանդէպ կառավարութեան ցուցաբերած խտրական եւ նեղմիտ վերաբերմունքի ու հալածանքների եւ հայկական բարեկրթագումների նոյնիսկ վերջին՝ կոտորակուած տարբերակը չգործադրելու: Ժողովից յետոյ Էրզրումում մնացել էին մի քանի ղեկավարներ առկախ հարցերը կարգադրելու համար: Դրանցից Ռոստոմը, Ակնուհին եւ Վռամեանը հանդիպեցին թուրք ներկայացուցիչների՝ Բահաեդդին Շաքիրի եւ Նաջի Բէյի հետ: Այն հարցումին, որ եթէ Ռոսաստանը կայսրութեան վրայ յարձակուի, ի՞նչ դիրք կը բռնի Դաշնակցութիւնը, պատասխանուել էր, թէ ընդհանուր ժողովը արդէն բանաձեւ է հանել, որ պատերազմի պարագայում երկիրը պիտի ունենայ իր կազմակերպուած բանակը, բայց Դաշնակցութիւնը մտահոգ է բանակում եւ զօրակոչի ընթացքում հայերի դէմ կատարուող անարդար եւ խտրական վերաբերմունքից եւ որոշում է տուել դրանք վերացնելու համար քայլեր առնել: Թուրք ներկայացուցիչները մանրամասն ներկայացրել էին կառավարութեան քաղաքական ծրագիրը՝ հիմնուած այն համոզման վրայ, որ Գերմանիան յաղթական պիտի դուրս գայ պատերազմից եւ նրա հովանաորութեամբ կառավարութիւնը պիտի կարողանայ իրագործել իր քաղաքական նպատակները: Այդ նպատակների մէջ էր մտնում Ռոսաստանի տիրապետութիւնը Կովկասից վերացնելը, որի համար ռուսահայերի համագործակցութեան, այսինքն՝ անհրաժեշտ պարագայում ռուս իշխանութեան դէմ ապստամբելու եւ թուրքերին միանալու երաշխիքն էին ուզում: Դրա փոխարէն, խոստանում էին Ռոսահայաստանին տալ ինքնավարութիւն՝ որի չափն ու տեսակը պիտի համապատասխանէր ծրագրի իրագործման մէջ հայերի բերած մասնակցութեան չափին: Ի հարկէ, դաշնակցական պատգամաւորները պատասխանել էին, թէ իրենք իրաւասութիւն չունեն կուսակցութեան կողմից խոստումներ տալու կամ հարցումին պատասխանելու, սակայն դիտել էին տուել, թէ հայերի նկատմամբ Իթքիհատի ցուցաբերած վերաբերմունքը վերջին տարիներին բոլորովին խափանել է ռուսահայոց լաւատեսութիւնը դէպի սահմանադրական վարչակարգը եւ ռուսահայերը հիմք չունեն թուրքերին վստահելու: Նրանք նոյնպէս կրկնել էին Դաշնակցութեան պահանջներն ու ակնկալիքները իշխանութիւնից, որոնք չէին կատարուել եւ եթէ իշխանութիւնը ցանկանում էր սիրաշահել հայերին, ինչպէս անում էր ռուսը իր հպատակների նկատմամբ, լաւ կլինէր որ այդ սպասումները իրագործէր: Թուրքերը դժգոհ եւ անորոշ հեռացել էին գեկուցել էին Թալէաթին, որը եւ իր դժգոհութիւնն էր յայտնել պառլամենտի հայ ներկայացուցիչ Արմէն Գարոյին:

Մրուած մթնոլորտը փարատելու համար, Դաշնակցութիւնը պարտադրուեց խորհրդակցական ժողով հրաւիրել՝ ձեւակերպելու համար թուրքերին տակիք

⁸ Տե՛ս նոյն տեղում, էջ 216:

պատասխանը, բայց վտանգաւոր իրավիճակը՝ թէ՛ երկրում եւ թէ՛ միջազգային ասպարէզում ու հայութեան սահմանի երկու կողմում եւ երկու վտանգի մէջ գտնուելու իրողութիւնը որեւէ համաձայնութեան չբերեց մասնակիցներին, որոնց մէջ միակ ոչ-դաշնակցականը Գրիգոր Չոհրապն էր: Որոշուեց հակադիր կարծիքները յղել Բիւրոյին առ ի քննութիւն: Ինչ որ բոլորը համաձայն էին, գրում է Խալիկեանը, այն էր, որ թրքահայութիւնը իր պարտականութիւնը պիտի սեպի մասնակցել երկրի պաշտպանութեանը, զինուորագրուի թուրք բանակում եւ վճարի պատերազմի յատուկ տուրքերը՝:

Վեց գլուխներից բաղկացած գրքի բովանդակութիւնը ամբողջացնող «Եզրակացութիւն»ը գալիս է համագումարի բերելու Խալիկեանի տարիների ուսումնասիրութեան եւ օգտագործած բազմակողմանի աղբիւրների արդիւնքները: Որպէս հիմք ու նպատակ, Խալիկեանը խնդիր էր դրել հանգամանօրէն գծագրել ՀՅԴ-Իթքիհատ յարաբերութիւնների ընթացքն ու աւարտը: Իր ճանապարհի այս վերջին հանգրուանում, նա տրամաբանական է գտնում յարաբերութիւնների սկզբնական փուլը եւ Իթքիհատին դիտում է որպէս Դաշնակցութեան բնական դաշնակից՝ երբ հարցը կայսրութեան մէջ սահմանադրութեան վերահաստատումն էր եւ հայ ժողովրդի ազատագրումը սուլթանական ծանր լուծից: Ըստ Խալիկեանի, Դաշնակցութիւնը իր ամբողջ վարկն ու հնարաւորութիւնները սահմանադրական կառավարութեան յաջողութեանը տրամադրեց եւ քանի որ յետ-յեղափոխական կառավարութիւնների մէջ եթէ ոչ տիրապետող, գոնէ միշտ մեծամասնութիւն են եղել Երիտթուրքերը, դրանով էլ բացատրում է Դաշնակցութեան պաշտպանութիւնը այդ կուսակցութեան եւ համագործակցութիւնը նրա հետ՝ անգամ Ադանայի ջարդերից յետոյ: Խալիկեանը բերում է Դաշնակցութեան հակառակորդների ամբաստանութիւնը, թէ իբր դիքերի հասնելու, երկրում բարձր պաշտօններ զբաղեցնելու եւ խորհրդարանում աթոռներ գրաւելու մոլուցքն էր, որ Դաշնակցութեանը այդ համագործակցութեան մղեց: Ի պատասխան այդ ամբաստանութեան, Խալիկեանը յիշեցնում է, թէ համագործակցութիւնը կասեցնելու խիստ կողմնակից էր Արեւմտեան Բիւրոն, որը այդ պաշտօններին հասնելու առիթն ու թեկնածուներն ունէր. Արեւելեան Բիւրոն էր, որ յարմար էր նկատում դեռ շարունակել:

Աւելին, Խալիկեանը պարզում է, որ տասնամեակներ շարունակ Դաշնակցութեան դէմ ուղղուած երկու քննադատութիւններ իրար են հակասում եւ իրար բացառում: Մէկը Դաշնակցութեանը ամբաստանում է Երիտուրքերի յեղափոխութիւնից յետոյ ֆիդայական խմբերի ցրման եւ ուրեմն 1915-ին հայ ժողովրդին անպաշտպան թողնելու համար ու շարունակում, թէ Դաշնակցութիւնը վստահեց հակահայ եւ ցեղապաշտ Իթքիհատին, յետոյ էլ օտար պետութիւնների միջատութեանը հաւատք ընծայեց: Միւս կողմից, թրքական տեսակէտը պնդում է, թէ Դաշնակցութեան համագործակցութիւնը Իթքիհատի հետ, սահմանադրութեան պաշտպանութիւնը եւ պաշլամենտական գործունէութիւնը կեղծ էին եւ առերեսոյթ: Բուն նպատակը յարմար պահին յեղափոխութիւն կազմակերպելն էր: Այդ տեսակէտի մէջ, ի հարկէ, անտեսում է Երիտուրքերի յեղափոխութիւնից յետոյ ֆիդայական խմբերի կազմալուծումը Դաշնակցութեան կողմից եւ շեշտը դրում է ժողովրդին զինելու Դաշնակցութեան հետագայ մախաձեռնութեան վրայ առանց նկատի ունենալու, որ Դաշնակցութիւնը պարտաւոր էր այդ քայլին դիմելու, քանի

9 Եւրոյն տեղում, էջ 222:

որ Իսթիհատն անկարող էր հայ ժողովրդին քրդական յարձակումներից պաշտպանել: Խալիկեանի՝ յատկապես դաշնակցական աղբիւրների եւ արխիւների մէջ կատարած ուսումնասիրութիւնները ցոյց են տալիս այն իրողութիւնը, որ **Դաշնակցութիւնը կանգնած է եղել երկու անբարենպաստ ընտրութիւնների առջեւ: Պիտի վնասէր ո՞ր ճամբան էլ ընտրելու լինէր՝ համագործակցութիւն սահմանադրական Իսթիհատի կամ ընդդիմութեան հետ:** Առաջինի արդիւնքը չարդարացրեց թափուած ջանքերը, իսկ ընդդիմութիւնը լեցուն էր իսլամիստ ծայրայեղականներով:

Մերժելով այն միտքը, թէ Դաշնակցութիւնը կոյր հաւատքով համագործակցեց Իսթիհատի հետ, Խալիկեանը նշում է, թէ գուցէ կարելի է ասել Դաշնակցութիւնը մի քիչ երկար պահեց այն յոյսը, թէ յառաջդիմական հոսանքը պիտի յաղթի: Իսկ Դաշնակցութեան սերտ յարաբերութիւնները Թալէաթի հետ: Չէ՞ որ այսօր հետադարձ հայեացքով ասում ենք թէ Թալէաթը Հայոց Տեղասպանութեան գլխատըր հեղինակներից էր, ուրեմն Դաշնակցութիւնը ինչպէ՞ս չկռահեց նրա յետին նպատակները: Խալիկեանը հաւանական է համարում, որ Թալէաթը սկզբում անկեղծ էր այդ յարաբերութիւնների մէջ: Նա շատ դէպքերում նոյնիսկ պաշտպանում էր Դաշնակցութեան պահանջները: Նա սկզբում կողմնակից էր նաեւ կայսրութեան բազմակիութեան գաղափարին: Բարքանեան եւ Իտալիա-Թուրքիա պատերազմների պարտութեան արդիւնքում էր հաւանաբար, որ նա յարեց Գեօքալիի եւ Նազիմի գաղափարներին, այն է՝ յենուել թրքական ուժի վրայ միայն, եւ շեշտում Կետետրըղ դարձաւ թուրք ազգայնականութեան:

Խալիկեանը հաւատացած է, որ Դաշնակցութեան համար հողագրկուած գիւղացիութեան հարցը շեշտում կարեւորութիւն ուներ եւ հարցի լուծման չհասնելը յարաբերութիւնների խզման հիմնական պատճառներից մէկն էր: Դաշնակցութիւնը պայքարում էր համիդեան քաղաքականութեան դէմ՝ քրդերի միջոցով իւրացնելու հայ գիւղացու հողն ու ունեցումածքը, պարտադրելու նրան լքել ծննդավայրը՝ հայրենիքը, այդպիսով՝ հայագրկելու Արեւմտեան Հայաստանը: Քուրդ քոչուրներին հայկական գիւղերում բնակեցնելն էլ նոյն քաղաքականութեան դրսեւորումն էր: Դաշնակցութիւնը պայքարում էր միջոցներ ստեղծելու ու հայ գիւղացուն իր տեղում պահելու համար, այլ խօսքով՝ փորձում էր հայկական հարցի հնարաւոր լուծման սիրոյն, Արեւմտեան Հայաստանը հայերով բնակեցնուած պահել: Հողերի հարցը Դաշնակցութեան կարեւոր պահանջներից էր սահմանադրական կառավարութիւնից, որ այդպէս էլ լուծումի չհասաւ:

Խալիկեանը Դաշնակցութեան մտադրութիւնների մէջ տեսնում է յարաբերութիւնների արմատական խզման միտում դեռ 1912-ից, երբ պարզ էր որ հողային հարցը չպիտի լուծուի: Յարաբերութիւնն ու համագործակցութիւնը յամենայնդէպս շարունակուեցին, որովհետեւ ինչպէս Խալիկեանն է ասում, բարենորոգումների այլ կէտերի շուրջ զգալի էր որոշ առաջխաղացք. յետոյ, բացի այդ, ուրիշ այլ-ընտրանք էլ չկար:

Խալիկեանը իր աշխատասիրութիւնը վերջացնում է հետեւեալ պարբերութիւնով, որ մէջբերում են մօտաւոր թարգմանութեամբ: «Ուրեմն, Էրզրումի հանդիպումը ՀՅԴ-ՄՅԿ (Իսթիհատ - Ռ. Փ.) յարաբերութեան վերջին արարն էր: Երբ երկու կուսակցութիւնները նորից հանդիպեցին, դա այն ժամանակ էր, երբ մէկը առաջնորդում էր ցեղասպանութեան քաղաքականութիւնը ընդդէմ հայ ժողովրդի, որի պաշտպանութեան համար երդում էր տուել միւսը: Արդիւնքը այն

ոճիրն էր, որ պատերազմի ծանր մշուշը ճեղքելով աշխարհի մամուլի առաջին էջերին հասաւ»¹⁰:

**Աշխատասիրութիւնը յաջողուած է:
Տիգրան Խալիկեանը կարողացել է լուծել իր առջեւ դրուած խնդիրները:**

Դժկամութեամբ, բայց հարկադրաբար, պիտի ասեմ, որ գոյութիւն ունեն մեծ մասամբ բովանդակութեան շտնչուող մանր բացթողումներ, որոնք ցանկանում են մատնանշել ո՛չ թէ խիստ քննադատի գրչով այլ պարզապէս սրտցատութեամբ, քանի որ վստահ եմ, որ գիրքը փնտրուած ընթերցանութիւն եւ հետագայ ուսումնասիրութիւնների արբիւր պիտի լինի եւ պիտի տպագրուի երկրորդ ու երրորդ անգամ... Դա անշուշտ հեղինակին սրբագրութեան առիթ կը տայ: Նախընտրում եմ նշումներս կատարել անգլերէնով :

The primary goal of this article was to introduce the book, or at least its focus and main thrust, to Armenian readers. There is no doubt that Dikran Kaligian has achieved much more than just a comprehensive study of an important period of Armenian history with the ARF-CUP relations as its driving force. During my reading, however, I came across some discrepancies, mostly mechanical that I want to bring to the author's attention hoping that he will be willing to attend to them in future printings.

1. The index needs more work. Some names are missing and page numbers for some do not correspond with page numbers in the text. I would not put the ARF in the index. There is a mention of it more frequently than it has come in the index. Besides, the book is about the ARF, and there is no need to include it in the index and take up almost a column out of a two-column, 6 page index. So is the case with the CUP.

2. It would have been desirable to use diacritics or Turkish spelling for Turkish names uniformly and consistently regardless of the source whence the name has come. For example, c and j are used interchangeably for the j sound. The correct form would be Naci or Cavid, in other places j is used for the same sound. Or why Mu and not Mush just like there is Bashkala and not Bakala or Marash and not Mara?

3. The spelling of Armenian proper names should be kept the same all over the text. Dashnaktsutium is the correct form, not Dashnakzutium. And why Rupen Der Minassian versus Anahide Ter Minassian?

4. Sometimes the text becomes choppy because of the abundance of long quotations interrupted with short passages.

5. The quotation from Varantian, "A heavy shadow fell on the Young Turk 'Republic'...." did not sound right to me. So I checked the original, which is, according to my source, from page 201 of Varantian's History of the ARF. The word is Huriet that does not translate into Republic.

I stop here and wish Dikran Khalikian a successful career and perseverance in his valuable contribution to the field of Armenian studies.

Դոկտ. Ռուբինա Փիրումեան (Լոս Անջելէս)

10 Տե՛ս նույն տեղում, էջ 236:

ԳՐԱՆՈՍՏՐՈՒԹՅՈՒՆ ՆԵՐ
ԿԵՄ համահայկեակամ հանդէս
Բ (Ը) րարի, քիվ 2(30) ապրիլ-հունիս 2010